

UNIVERZITET U SARAJEVU - ELEKTROTEHNIČKI FAKULTET

Broj: 02- 4651/23

Dana: 25.10.2023. godine

Na osnovu člana 100. stav (3) Zakona o javnim nabavkama („Službeni glasnik BiH“, br. 39/14 i 59/22) u postupku javne nabavke Mreže za LOT 1 - Mrežne komponente, rješavajući po uloženoj žalbi ponuđača DOO INGEL TUZLA (br. 1019-01/2023 od 19.10.2023. godine), dekan Univerziteta u Sarajevu - Elektrotehničkog fakulteta, *donosi*

O D L U K U

Član 1.

Usvaja se žalba ponuđača DOO INGEL TUZLA na Odluku o izboru najpovoljnijeg ponuđača (br. 02-4278/23 od 10.10.2023. godine) u postupku javne nabavke Mreže za LOT 1 - Mrežne komponente, kao osnovana.

Član 2.

Shodno članu 1. ove Odluke, Odluka o izboru najpovoljnijeg ponuđača (br. 02-4278/23 od 10.10.2023. godine), kojom je izvršen izbor najpovoljnijeg ponuđača DOO INGEL, stavlja se van snage u cjelosti.

Član 3.

Ugovorni organ će vratiti Komisiji za javne nabavke na ponovni pregled i ocjenu ponuda.

Član 4.

Ova odluka stupa na snagu danom donošenja te će se objaviti na web-stranici Univerziteta u Sarajevu - Elektrotehničkog fakulteta, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

U provedenom postupku javne nabavke po otvorenom postupku Mreže za LOT 1 - Mrežne komponente, objavljivanjem Obavještenja o nabavci broj: 29326-1-1-19-3-16/23 na Portalu javnih nabavki dana 13.07.2023. godine i u "Službenom glasniku BiH", br. 49/23 od 14.07.2023. godine, na donesnu Odluku ugovornog organa o izboru najpovoljnijeg ponuđača (br: 02-3414/23 od 11.09.2023. godine), kojom je ugovor dodijeljen ponuđaču TELENET D.O.O. SARAJEVO, ponuđač DOO INGEL TUZLA, izjavio je žalbu. Žalba ponuđača DOO INGEL TUZLA, je zaprimljena na protokol Ugovornog organa dana 22.09.2023.godine i zavedena pod brojem protokola 02-3766/23 i ista je blagovremena, dopuštena i izjavljena od ovlaštenog lica i lica koje ima aktivnu legitimaciju. Ugovorni organ je utvrdio da je žalba ponuđača DOO INGEL TUZLA, osnovana, te je vratio Komisiji za javne nabavke na ponovni pregled i ocjenu ponuda.

Nakon ponovnog pregleda i ocjene ponuda od strane Komisije za javne nabavke, Ugovorni organ je dana 26.09.2023. godine uputio Zahtjev za poništenje održane E-aukcije od dana 07.09.2023. godine u 10:00 sati i ponovni Zahtjev od 28.09.2023. godine. Nakon prijema Zahtjeva i Odluke o usvajanju žalbe ponuđača DOO INGEL TUZLA (br. 02-3979/23 od 28.09.2023. godine), Agencija za javne nabavke BiH je udovoljila zahtjevu Ugovornog organa te kroz sistem E-nabavke dana 06.10.2023. godine zakazala novu E-aukciju za dan 09.10.2023. godine sa početkom u 10:00 sati.

Nakon uspješno održane E-aukcije, Komisija za javne nabavke je dala preporuku (br. 02-4233/23 od 09.10.2023. godine) Ugovornom organu da je najpovoljnija ponuda ponuđača DOO INGEL TUZLA. Ugovorni organ je prihvatio navedenu preporuku te donio Odluku (br. 02-4278/23 od 10.10.2023. godine), kojom je ponuđač DOO INGEL TUZLA izabran za najpovoljnijeg ponuđača. Na navedenu Odluku, ponuđač DOO INGEL TUZLA je uložio Žalbu (br. 1019-01/2023 od 19.10.2023. godine), zaprimljena na protokol Ugovornog organa dana 20.10.2023. godine i zavedena pod brojem: 02-4547/23 i ista je blagovremena, dopuštena i izjavljena od ovlaštenog lica i lica koje ima aktivnu legitimaciju.

Ugovorni organ je utvrdio da je žalba ponuđača DOO INGEL TUZLA, osnovana, te će vratiti Komisiji za javne nabavke na ponovni pregled i ocjenu ponuda.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Na osnovu člana 100. stav (4) Zakona o javnim nabavkama, protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

DEKAN

Prof. dr. Jasmin Velagić

Dostaviti:

- Ponuđačima
- Službi za računovodstvo i finansije
- Službi za javne nabavke
- a/a

